

Manmin nga mga Balita

NO. 75 MARCH 5, 2017

“Lugar Pinuy-anan sa Akong Pagtoo mao ang South Korea”

Ang Overseas Parish, Chinese Parish, og Lord’s Love Mission Nakakaplag sa Kalipay sa Langyawng Nasod



Daghan sa mga langyaw nga mibiya sa ilang nasod og namuyo sa Korea giingong naay mga problema tungod sa kalahian sa kultura, mga sakit, og sitwasyon pinansyal. Apan ang katong nagiyahan sa Manmin Central Church nasulbad ang ilang problema pinaagi sa balaang ebanghelyo og sa gahom sa Dios og karon naay tinuod nga kalinaw og kalipay.

Ang Overseas Parish Nahiusa diha sa Gugma

Ang Overseas Parish mga miyembro sa simbahan nga gikan sa 10 ka mga nasod nga nahimutang na sa Korea.

Ang Parokya naay 6 ka grupo para niadtong makasabot sa sinultian nga English, French, Russian, Spanish, Japanese, Mongolian, Vietnamese, etc. Ang mga leder kada grupo nagkat-on og Korean sa makadiyot pinaagi sa grasya sa Ginoo mao nga nailhan sila sa ilang mga trabahoan og motabang sa parish pastor paghubad kon sila mobisita sa ubang miyembro.

Sukad nga sila nakat-on sa kamaayo og gugma pinaagi sa balaang ebanghelyo, nakabaton silag kalinaw sa pamilya bisan pag naay daghang nanagbuwag tungod sa pamilyang lainlaig nasyonalidad tungod sa problema sa kumyunikasyon, kadaiyangj kultura, og panagbingkil sa mga ugangan og umagad. Vietnamese Cell Leader Deaconesa Riu, 33 anyos, niingon, “Bisan pa og nia mi sa laing

nasod, malipayon kaayo ko tungod kay walay imposible sa Ginoo. Ang akong grupo naka eksperyensya sa kabag-ohan niadtong niaging tuig og nakadawat ko sa ‘Excellent Cell Leader Prize’. Ang negosyo sa akong bana napuno sa panalangin. Og mas ni klaro ang akong panan-aw sa akong paghubad aron ma interpret ang sermon.”

Ang mga miyembro lainlaig nasyonalidad, apan ilang nabati ang gugma sa magbalantay, mao nga nagtinabangay sila og nahiusa diha sa gugma sama sa Unang Simbahan. Ang mga miyembro sa Overseas Parish nangandoy nga ilang mapakatag ang balaang ebanghelyo ngadto sa ilang mga nasod.

Ang Chinese Parish naka Eksperyensya sa Gahom sa Dios og Nanglantaw para sa Langit

Ang Chinese Parish naay duha ka parokya: una sa mga kaliwat og insek og ang usa sa Chinese-Korean. Ang kada parokya naay mangantahay nga grupo og mananayaw, og sila ang gisangonan sa pasiunang pagdayeg og espesyal nga pagdayeg sa ilang mga miting.

Sa una sila mga masakiton og mahadlok, apan human nga sila nagiyahan sa Manmin naayo dayon sila sa mga sakit og nakadawat sa solusyon sa ilang mga problema. Karon puno sila sa paglaom.

Deconesa Wolsoon Kim, 80 anyos, naayo sa kadaot nga macular

degeneration vision og glaucoma, Deconesa Yeonok Kim, 78, sa kanser sa totoy, Decono Chunil Kim, 55, sa chronic asthma, Deconesa Soonja Kim, 68, sa ‘aftereffect’ sa kanser sa tiyan, Deconesa Minhwa Lee, 60, epidural leakage, og Senyor Deconesa Youngsook Jang, 52, sa tibugol sa totoy og animya, og Deconesa Ilhwa Kim, 49, sa heart disease, deprisyon og ‘sociophobia’. Mga panghimatuud nanagbaha sa parokya.

Senyor Deconesa Changsoon Won, 63 anyos, niingon, “Sa unang adlaw nga

nisimba ko naayo ang functional disease sa akong mata og ang ‘herniated lumbar disc’ pinaagi sa pag ampo ni Dr. Jaerock Lee atol sa serbisyo. Nakabasa nako sa mga gagmayng litra, naayo ang akong panan-aw.”

Ang mga miyembro sa Chinese Parish mo alima niadtong naay mga kalisdanan og naghalad sa ilang kaugalingon sa pag sabwag sa ebanghelyo og pagbuhat sa ilang katungdanan. Mao nga ang ilang parokya naka eksperyensya sa kabag-ohan.

Ang Lord’s Love Mission Nakakaplag sa Kalinaw og Kalipay sa South Korea

Ang Manmin Lord’s Love Mission naglakip sa mga North Korean refugees’ og sila nangaayo sa mga sakit sama sa ‘cerebral infarction’, catarata, og atritis og ang mga problema sa dughan naayo usab sama sa ‘anxiety syndrome’ og deprisyon. Ang permanenting suporta sa simbahan naka tabang nila sa makanunayong kalipay og sa malipayong kinabuhi og labaw sa tanan, ang pagtoo natanom diha sa ilang dughan. Sila nagsunod sa Sabbath og nakabaton sa kalinaw og malipayong kinabuhi nga naay paglaom sa Langit.





Senyor Pastor Dr. Jaerock Lee

“Unya gibutang sa Ginoong Dios ang tawo sa tanaman sa Eden aron maoy mag-atiman og magbantay niini, giingnan niya ang tawo, ‘Makahimo ka pagkaon sa mga bunga sa tanang kahoy sa tanaman gawas sa kahoy nga naghatag sa kahibalo unsay maayo og unsay daotan. Kon mokaon ka niini, nianang adlawa mamatay ka gayod’” (Genesis 2:15-17).

Ang Probidensya diha sa Kahoy sa Kaalam sa Maayo og Daotan

tawo og kagawasan og nagdumili kaniya sa pagbuhat sa usa ka butang. Ang Dios nimando niya nga dili mokaon gikan sa kahoy sa kaalam sa maayo og daotan. Apan human sa taas nga panahon, si Adan og Eba nakalimot sa sugo sa Dios og nikaon gikan sa bunga sa kahoy sa kaalam sa maayo og daotan.

2. Ang Proseso diin ang Sala Misulod sa Tawo

Ang mosunod sa Genesis 3:1 maayong pagkabatid sa proseso sa unang tawo, si Adan nga nakasala.

Ang bitin limbongan sa tanang mananap sa yuta nga hinimo sa Dios, og gitintal ini ang babaye si Eba. Ang rason nganong ang tawo ngil-aran sa bitin karon tungod kay gigiyahan ini ang tawo sa kamatayon og ang bitin natural na kining giayran.

Sa garden sa wala pa ang tentasyon, dili sama karon, ang bitin nindot tan-awon. Og limbongan usab kini nga makapadani sa kasingkasing sa tawo.

Usa kaadlaw, ang bitin nangutana sa babaye, “Gidid-an ba diay kamo sa Dios pagkaon sa bunga sa tanang kahoy sa tanaman?” Mitubag ang babaye sa bitin, “Makakaon kami sa mga bunga sa tanang kahoy sa tanaman gawas sa kahoy nga anaa sa taliwala niini. Gidid-an kami sa Dios sa pagkaon og bisan gani sa paghikap nianang kahoya. Kon supakon namo kini, mamatay kami.”

Ang Dios klarong nag ingon, “...mamatay gayod kamo”, si Eba niingon sa bitin nga ang Dios niingon, “...mamatay kamo.” Wala paminawa og giusab ang sugo sa Dios, giusab og gikuhaan ang pulong sa Dios “mamatay gayod kamo” ngadto sa “mamatay kamo.” Ang bitin nahibalo sa oportunidad nga anaa aron sa paglingla niya, og giingnan si Eba, “Dili tinuod nga mamatay gayod kamo! Gisulti kini sa Dios kaninyo kay nasayod man siya nga kon mokaon kamo niini, maabli ang inyong salabotan og mahisama kamo kaniya nga nasayod unsay maayo og unsay daotan.”

Karon nga natintal na si Eba sa bitin, ang kaulag nga unodnon, kaibog sa mata og ang garbo sa kinabuhi natandog og ang bunga sa kahoy murag maayo tan-awon og laming kan-on. Si Eba nisangpot sa pagkaon gikan sa kahoy sa kaalam sa maayo og daotan og gihatagan pa gani niya si Adan.

Pinasubay sa balaod sa espirituwal nga gingharian nga nag ingon, “Ang bayad sa pagpakasala mao ang kamatayon” (Roma 6:23), ang Pulong sa Dios “Mamatay gayod

kamo” nahitabo na sa tawo nga kinahanglan magbayad sa sala. Ang kinabuhi ni Adan og Eba wala matapos diha dayon pisikal.

Sa pag ingon sa Dios nga “Mamatay gayod kamo,” wala lang Siya magpasabot sa pisikal nga kamatayon sa tawo apan lakip na usab sa kamatayon sa espiritu ang master sa tawo; ang pagkaputol sa komyunikasyon sa tawo og sa Dios sama sa “pagkamatay sa espiritu ni Adan.” Dugang pa, ang tanang kaliwatan ni Adan human nga siya nakasala nahimo usab nga makasasala og paingon sa kamatayon og ang tanang anaa sa kalibotan tinuglo usab (Genesis 3:17).

Ang bitin labawng tinuglo sa tanang mananap. Ang Dios niingon sa bitin sa Genesis 3:14, “...magkamang kana pinaagi sa imong tiyan, og magkaon kanag abog sa tanang adlaw sa imong kinabuhi.” Espirituwal ang “bitin” simbolo sa kaaway nga demonyo og satanas samtang ang “abog” simbolo sa tawo nga hinimo gikan sa “abog sa yuta.”

Sa laktod pagka sulti, sa pag ingon nga ang bitin magkaog abog nagpasabot nga ang kaawayng demonyo og satanas maoy magdumala og maghatag og pagsulay, kalisdanan, mga pag antos, sa tanang unodnong tawo nga natumog sa sala. Mao nga ang tawong nahigot pag ayo ining kalibotana nanag antos sa tanang klase sa pag antos, nga dinala sa awtoridad sa kaaway nga demonyo og satanas.

3. Ang Rason sa Pagbutang sa Dios sa Kahoy sa Kaalam sa Maayo og Daotan didto sa Garden of Eden

Bisan pag nakihibalo nang daan ang Dios nga si Adan mokaon gikan sa kahoy sa kaalam sa maayo og daotan, Iya gihapon kining gibutang tungod kay buot sa Dios nga si Adan iyang mahatagan sa kalipay.

Si Adan wala makaagi og kagul-anan sa iyang pagpuyo sa Garden of Eden. Tungod ini wala siya makabati og maka eksperyensya sa tinuod nga kalipay. Aron mahatagan og bili ang tinuod nga bili sa usa ka butang, iya gyod unang kinahanglan ma eksperyensya ang tugbang ini aron makat-on siya.

Pananglitan, kon wala paka masakit sukad pagkatawo, dili nimo masabtan unsa kasakit ang pag antos o kagul-anan gumikan sa sakit, og dili gani nimo mahatagan og bili ang maayong panglawas. Kon dili ka moagi og kagutom dili nimo mahatagan og bili ang kadaghan sa pagkaon, og kon anay daotan og kangitngit ang tawo makaingon nga bililhon ang kamaayo og kahayag.

Kon wala pa maka saksi sa kamatayon didto sa Garden of Eden, si Adan dili makasabot sa Dios sa Iyang pag ingon nga mamatay ka gayod kon mokaon gikan sa bunga sa kahoy sa kaalam sa maayo og daotan. Kon wala pa siya maka eksperyensya sa kahasol og kalisdanan inubanan sa kagutom, kabugnaw, kainit, kamatayon, pagkabalug, sa sala og daotan ining tinuglo nga kalibotan, si Adan dili makahunahuna unsa diay siya kalipay og kabulahan didto sa Garden of Eden.

Bisan pag unsa ka abunda ang tawo, gawas kon siya nahibalo sa tinuod nga kalipay sa kinabuhi, kinsa may makaingon nga ang iyang kinabuhi bililhon? Ang tinuod nga bililhong kinabuhi mao nga ang tawo nakabati nga siya malipayon bisan pa og siya nag antos sa makadiyot. Mao nga gibutang sa Dios ang maong kahoy. Aron ang tawo makahunahuna og makasabot sa tugbang sitwasyon pinaagi sa pag eksperyensya sa kagul-anan og pag antos.

Sa iyang gusto si Adan nikaon gikan sa kahoy sa kaalam sa maayo og daotan, og tungod sa iyang pagpakasala, ang katawhan nabuhi taliwala sa mga pag antos, sakit, kainit, kabugnaw, kalisdanan, kagutom, pagkabalug, kamatayon og uban pa. Inig sulod nato sa Langit human makaagi ining tanang kalisdanan og kay kita niagi sa pag-ugmad sa tawo, atong mahunahuna unsa kanindot ang kinabuhi sa langit, magpasalamat sa Dios gikan sa dughan og magpakabuhin sa walay kataposang himaya og kalipay.

Mga kaigsoonana diha ni Kristo, ang Dios mibutang sa kahoy sa kaalam sa maayo og daotan, Iyang giugmad ang tawo og Iyang giandam ang dalan para kanatong mga makasasala, aron makadawat sa kaluwasan. Sa giingnan sa 2 Corinto 4:17, “Og kining gamay og lumalabay nga kalisdanan nga among giantos naghatag kanamog labihan kadako og walay kataposang himaya nga labaw kaayo kay sa mga kalisdanan,” bisan pa og kita karon naay mga kalisdanan og kagul-anan ining kalibotana kini lumalabay lamang, kita maglipay unya sa “labihan kadako og walay kataposang himaya nga labaw kaayo kay sa mga kalisdanan” sa dili mabatbat nga kanindot sa langit.

Ako mag ampo sa ngalan sa Ginoo nga ikaw makasabot sa dalan sa kaluwasan, makakuhag pagmaya og kalipay sa kaluwasan, og sa kataposan makapuyo sa eternal nga Langit.

Ang Pag-angkon sa Pagtuo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipat.
2. “Manmin Central Church” nagatuo sa panaghiusa’ng lihok sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasal-
anan pinaagi lamang sa dugo ni Hesu Kristo.
4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga walay katapusan.
5. Mga Miyembro sa “Manmin Central Church” ni angkon sa ilang pagtuo diha sa “The Apostles’ Creed”, sila nagatuo sa unod sa mga pulong nahisulat niini.

“Ang Diyos mismo ang naghatag sa kinabuhi og ginhawa sa tawo og sa tanang butang” (Buhat 17:25).

“Ang kaluwasan makaplagan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhat 4:12).

Manmin nga mga Balita

Published by Manmin Central Church

Bisayan

29, Digital-ro 26-gil, Guro-gu, Seoul, Korea, 08389
Tel: 82-2-818-7047 Fax: 82-2-818-7048
http://www.manmin.org/english / www.manminnews.com
E-mail: manminen@manmin.kr
Publisher: Dr. Jaerock Lee
Managing Editor: Geumsun Vin

“Malipayon mi diha sa Ginoo!”

Niay mga panghimatuud niadtong na giyahan ngadto sa kamot sa Ginoo sa dihang sila nagpatulo sa luha diha sa pag antos, naka eksperyesnya sa gahom sa Dios nga niluwas sa ilang pamilya sa kamatayon pinaagi sa pag ampo, og katong nakabati sa gugma sa Dios nga nagapamuhat alang sa kaayohan.



“Naa Koy Deprisyon og na Koma, Apan Nakabati Ko Pagbalik og Hingpit nga Nabaskog!”

Brother Jaswant Singh, 69 anyos, Chennai Manmin Church, India

Nobyembre 2014, nibisita ko sa akong igsoon nga nagpuyo sa syudad sa Chennai habagatang bahin sa India og nagiyahan sa Chennai Manmin Church. Nag antos ko sa kagul-anan tungod kay ang akong asawa namatay sa niaging tuig. Maglisod gani ko og ginhawa kon mo higda og mobangon.

Hulyo 2016, gihiling nga naa koy deprisyon, nga maoy mo hulhog sa akong hunahuna nga magpakamatay. Agosto naglisod nasad ko og ginhawa og gidala sa hospital. Sunod adlaw gisulod ko sa ICU. Akong giingnan ang akong anak nga patawagan si Pastor Joseph Han nga didto sa Manmin Summer Retreat sa Korea og ako siyang giingnan nga ipa ingon nga ipadawat ang pag ampo ni Dr. Jaerock Lee para nako. Human sa 6 kaadlaw didto sa hospital giataki ko sa kasingkasing og na koma.

Agosto 7, Domingo, si Pastor Han nilamano ni Dr. Jaerock Lee nga gisuwat ang akong ngalan sa iyang tuo nga palad. Diha dayon ang milagro nahitabo. Nakamata ko sa pagka koma! Gibalhin ko sa ward og nigawas sa hospital sunod adlaw. Kompleto ko nga naayo sa deprisyon. Halleluyah!



“Ang Akong Bana og Ako Nakadawat og Award gikan sa Tigdumala sa Edukasyon”

Deconesa Kayoung Park, 34 anyos, Parokya 17, Manmin Central Church

Sa nag eskwela pa ko, nakadawat ko og daghan nga grasya tungod sa pagpanudlo ni Senyor Pastor Dr. Jaerock Lee mahitungod sa Genesis og nangandoy nga mahimong maestra nga mo tudlo sa mga estudyante mahitungod sa Dios Magbubuhat. Hangtod nga gihimo kong maestra sa sekondarya og nag trabaho ubos sa kondisyong sa taas nga kompetisyon, apan akong nahimo ang tanan tungod sa pag ampo ni Senyor Pastor. Aron maka bayad sa grasya, ang akong bana og ako nisulod sa Master's program sa Edukasyon sa tuig 2016.

Bisan sa gamay namong pagpaningkamot, ang Dios nihatag namo sa dagkong mga panalangin pagtapos sa tuig 2016. Ang akong bana Decono Sungjin Kim, nga maestro sa elementarya, nakadaog sa premyo gikan sa Tigdumala sa Edukasyon isip pag-ila sa iyang kontribusyong polisiya sa edukasyon, og ako nakadawat og duha ka ganti gikan sa Tigdumala sa Edukasyon, akong nadawat ang pasidungog sa pagpausbaw sa 'creative teaching method' sa science education para sa bulahan og mga talentadong estudyante. Nakakuha sad mi sa master's degree sa Yonsei University.

Dili lang kini, apan ang akong pamilya na ebanghelyoan! Ang tanang miyembro sa akong pamilya nag trabaho sa matag misyon. Akong hatagan sa tanang pasalamat og himaya ang Dios sa Iyang gugma.

“Nakasulod ko sa Vocal Music Department sa Seoul National University”

Brother Hyungmin Woo, 20 anyos, Busan Manmin Church



Nag antos ko sa daghang sakit apil na ang sakit sa mata, hand-foot-and-mouth disease, og 'impetigo'. Apan naayo ko ining tanan tungod sa pag-ampo ni Senyor Pastor Dr. Jaerock Lee og nabaskog.

Nagsugod ko sa vocal music pag 11th grader tungod kay ganahan kaayo kong mokanta sa Manmin Praise. Kahibaw ko nga dili nako mabuhat kon sigun lang sa akong paningkamot, mao nga nidawat ko sa pag ampo ni Senyor Pastor. Ang panyo nga iyang inampoan akong ibutang sa akong bulsa kon naay kompetisyon (Buhat 19:11-12). Daghan kog nadaog nga mga dagkong ganti bisan kadiyot ra ko niapil sa vocal music og bisan mga maayo pa ang akong kontra nga mga estudyante sa Arts sa High School. Ang akong naabot naka patingala kaayo sa mga tawong naka palibot nako.

Ang Dios nihatag nako'g pagtoo nga makasulod ko sa Seoul National University kon ako magbaton og pagtoo. Murag lisod para nako ang pag andam sa pagsulod tungod kay kadiyot ra ko nag eskuwela sa music kompara sa ubang estudyante nga dugay na silang nag eskuwela sa vocal music. Apan nisalig ko sa Makagagahum nga Dios og matinguhaong nag andam sa eksam.

Naa koy daghang mga damgo nga naa si Senyor Pastor og kini naka pa kampanti nako mahitungod sa akong admisyon sa unibersidad. Uban sa kalinaw, akong gitan-aw ang lista sa mga naka pasar. Pagkakita nako sa akong ngalan, walay koy laing nahimo gawas sa pag ingon nga, “Ang Dios nihatag nako sa dalan!” Akong pasalamat og himayaon ang Dios.

“Ang akong Comminuted Fractured nga mga bukog Naayo”

Elder Seokgil Song, 56 anyos, Presidente sa Men's Mission, Manmin Central Church



Hunyo 18, 2016, grabi ang akong pagkabali tungod sa bisikleta. Ang doktor niingon nga ang akong tuong abaga nalisa, og ang ubang bukog na dugmok. Niingon siya nga kinahanglan gyod nga operahan ko aron ayohon ang mga bukog nga nadugmok. Daghang doktor nisulay sa pag-ayo nako apan wala mo lampos. Akong gidawat ang pag ampo ni Senyor Pastor Dr. Jaerock Lee para sa mga masakiton nga gi record sa akong 'smart phone'.

Human, gisulayan nasad ko sa doktor aron maayo ang akong mga bukog nangauli. Dugang pa, ang mga bahin nga nadugmok nangaayo bisan wala operahi. Pag Hulyo 3, akong gidawat ang pag ampo ni Senyor Pastor pagbalik niya gikan sa prayer mountain. Nakabati ko sa tumang kabugnaw og kanindot atol sa pag ampo. Pagka gabii, akong gipanguha ang mga lakilaki nga gibutang sa mga doktor og nahimong normal ang tanan. Halleluyah!

Sa wala pa ang pag ampo



Tungod sa external injury, ang tuong abaga nalisa og dakong tuberosity sa humerus na dugmok.

Human sa pag ampo



Ang nanga dugmok nga bahin sa tuberosity sa humerus nauli sa lugar nga murag resulta sa operasyon og ang mga nalisang bukog nahig-uli.



“Ang Balaang Ebanghelyo og ang Gahom Niusab sa mga Tawo sa Moldova”

Brother Aleksandr Tabaranu, 32 anyos, Moldova

“Katong naa sa impeyerno mag antos sama sa asin nga gi gisa diha sa kaha og gisabligan sa tubig!” Oktobre 2009, naka paminaw ko sa sermon ni Dr. Jaerock Lee ‘Hell’ sa TBN Russia. Nakurat kaayo ko og natandog.

Ining higayona, naglisod ko pag-ayo tungod kay naa koy sala nga gibuhit bisan horn player ko sa church’s band og ‘conductor’. Kining mensahia sama kong naka sugat og tubigan sa kamingawan. Pwerti nakong lipaya.

Nagbasa ko og naminaw, og naghunahuna permi sa mga sermon ni Dr. Lee lakip na sa “The Message of the Cross” og “The Measure of Faith” sa website sa simbahan (www.manmin.org), You Tube, og In Victory’s website (invictory.org). Nakadawat ko og dakong grasya og nihunong sa pag-inom og panigarelyo. Nagsugod ko og panulti sa ministry sa Manmin sa akong mga amigo og silingan, og na sorpresa kaayo sila og nakadawat og grasya.

Ang Akong Inahan Kamatayon Tungod sa Pulmonale Apan Nabuhi Pagbalik

Abril 2014, siyam mi katawo nag pundok ubos sa ngan sa ‘Manmin’ og nag simba. Matinguhaon ming nag sabwag sa balaang ebanghelyo nga nagpakita sa klarong pagpasabot sa Bibliya og nag giya sa katawhan ngadto sa kabubut-on sa Dios. Mga tawo nagsugod og panuol. Samtang akong na eksperyensya ang gahom sa Dios.

Mayo 2014, ang akong inahan Taziana Tabaranu nag antos sa ‘acute cor pulmonale’ (pagpamaga og pagkahugno sa tuo nga kasingkasing tungod sa nagtubong vascular resistance o high blood pressure sa baga). Namurot ang iyang tibuok lawas og nag gahi. Maglisod og ginhawa. Ang iyang doktor niingon nga naa nalang siyay mga 6 ka simana sa dili pa mamatay, og nisugyot nga pasultion sa iyang last-will.


Ako dayong gipadala ang akong prayer request sa Manmin Central Church, og si Dr. Lee nag ampo niya atol sa iyang pag ampo sa mga masakiton human sa

sermon. Kahibulongan! Ang iyang pagpanghubag nikuyos sa duha lang kaadlaw og maka ginhawa na og tarong. Ang iyang kondisyon sa panglawas dali kaayong nabalik, og bisan gani karon himsog kaayo siya!

Oktobre 2014, nag abang ko og lugar para sa santuwaryo og nag sugod pagpamutang og mga gamit. Karon mga 70 na ang mga miyembro apil sa mga bata. Nabag-o sila pinaagi sa balaang ebanghelyo, og nagpakabuhi sa matoohong kinabuhi uban sa paglaom sa New Jerusalem.

Ang mga Taga Moldovan Nanglantaw sa Manmin og sa New Jerusalem

Naa mi prayer meeting usa ka oras kada buntag og mga duha ka oras matag gabii. Tungod sa diperensya sa oras, naghalad mi og Sunday Morning Service nga ni-record sa GCN og Sunday Evening Service og Friday All-night Service nga live sa GCN uban sa Manmin sa Korea. Amo sad gipakatag ang mga libro ni Dr.



Lee og mga sermon sa mga silingan og nag proklama sa balaang ebanghelyo og sa gamhanang lihok bisan ngadto sa ubang siyudad.

Disyembre 2016, ni bisita ko sa Manmin Central Church nga dugay na namong gipangandoy uban sa mga miyembro. Among nahimamat si Senyor Pastor Dr. Lee uban sa kahinangup, dili mi maka hunong sa paghilak tungod sa kalipay. Iya ming gi-welcome uban sa kainit sa gugma, og kamaayo sama sa amahan og iya ming giampoan.

Niapil mi sa Christmas Eve Service og sa uban pang mga miting, og nakita namo ang simbahan nga puno sa gugma og konsiderasyon. Ang kabug-at og ang gihunahunang responsibilidad isip leder sa simbahan nawala, og lipay ra gyod ko tungod sa gugma sa magbalantay.

Nahatagan ko og lig-ong pagtoo nga walay imposible kon ang Dios Magbubuhay og si Hesu Kristo nag uban kanako og ang balaang ebanghelyo og ang gamhanang lihok.

Gusto nakong isabwag ang balaang ebanghelyo sa Romania og Moldova og mogiya sa daghang kalag sa kaluwasan. Akong hatagan sa tanang pasalamat og himaya ang Dios sa gugma nga nanalangin nako nga nahimamat ang bililhong magbalantay. Og ako sad pasalamat si Senyor Pastor nga nigiya nako sa dalan sa kinabuhi.



“Ang Akong Panan-aw ni Klaro, og Naayo Sad Ko sa Otolithiasis”

Senyor Deconesa Jongsim Baek, 53 anyos, Parokya 12, Manmin Central Church



Ang akong panan-aw 0.6/0.4, mao nga mag antepara ko. Apan dili ko maka sul-ob ani tungod kay mangatol ang akong dalunggan. Naghatag ni nako og daghang problema. Pag 2016 si Senyor Pastor Dr. Jaerock Lee niingon nga mag ampo siya para sa mata sa mga miyembro sa dili pa ang Manmin Summer Retreat. Akong giandam ang akong kaugalingon nga maayo sa dakong tinguha.

Agosto 8, sa unang gabii sa retret, nidawat ko sa iyang pag ampo. Paghuman wala nako kapuya, og wala nasad mag uga ang akong mata. Sayo sa Oktobre nagpahiling ko sa doktor og ang akong

panan-aw 1.0/1.0 (20/20). Klaro na kaayo nakong makita ang tanan, og dili na gyod maglisod pagbasa bisan sa gagmay’ng litra.

Kataposan sa Oktobre, nalipong ko og kalit, niabot ni og duha ka simana. Kasukaon ko og walay ganang mokaon. Nagluya ko og maglisod sa inadlaw’ng trabahoon. Grabi gyod ang pagpanglipong nako.

Nobyembre 10, niadto ko sa hospital aron mahibalo og unsay hinungdan sa tanang problema. Gi ultrasound ko sa neurosurgeon clinic, og giingon nga naa koy ‘otolithiasis’. Sunod adlaw, akong gisultian ang mga Prayer Devotees’

Association diin ako nahisakop. Nag ampo silang mainiton para sa akong kaayohan, og akong nabati nga naka angkon ko og kusog.

Tungod kay gusto kong kompletong maayo, akong gidawat ang pag ampo ni Senyor Pastor atol sa Friday All-night Service. Human sa pag ampo ang panglipong nawala og dili nasad ko kasukaon. Hingpit kong naayo.

Nobyembre 14, nibalik ko sa hospital og naka dungog nga normal na og wala nakoy problema. Akong ihatag ang tanang pasalamat og himaya sa Dios nga niayo nako. Salamat sa pag ampo nako, Senyor Pastor.

Mga Sangay ng Ministry ng Manmin sa Pilipinas

Manila Manmin Holiness Church

441 Potato St, J-Figuera
Sampaloc, Manila, Pilipinas
Pastor Jaebhong Uhm
2-735-1423

Bataan Manmin Holiness Church

067 Daang Bago, Dinalupihan,
Bataan, Pilipinas
Pastor Jaebhong Uhm
2-735-1423

Isabela Manmin Holiness Church

Purok 3, Brgy, San Roque, San
Mateo, Isabela, Pilipinas
Pastor Jaebhong Uhm
2-735-1423

Cavite Manmin Holiness Church

5 Lot 33 Bk 1, Canutuhan (tenant),
Santiago Gen.Trias, Cavite, Pilipinas
Pastor Sharon Cho
046-850-3193 /
0916-674-3903 /
0905-319-8191

Imus Manmin Holiness Church

Blue Bell St. Plaridel III Sub.
Bayan Luma 7, Imus Cavite,
Pilipinas
Pastor Jubeom Kim
0927-311-7633

Cebu Manmin Holiness Church

LOT N. 402 - B-4
Looc Along Side The Canjulao
Road, Lapu-Lapu City Cebu,
Pilipinas
Pastor Rossetta Sung
0921-635-7595

Davao Manmin Holiness Church

301 Ilang Ilang St. Flores
Village, Bangkal, Davao City,
Pilipinas
Pastor Kathryn Kim
0908-635-2714